

# AROARO AIKA A RIAI KAIRAKIM NAKON MAURIM I AON TE KAWAI



## TOUA TE MAING N TAINAKO

- Ngkana ko buti ao toua te maing n tainako i aon kawain Nutiran

## ROON KAINTEKATEKA

- **Ni kabane aomata** i nanon te kaa **a riai ni kabaeia n te roo n te kaintekateka** ke rooia ataei.
- Ngkana ko aki kabaea room n te kaintekateka ao e na karekea nakoim te **tuuaa ae e nakon \$150.**

## AROM N RIMOAAKIN AO BUTIM RIRARIKIN ARE I MOAM

- Ko na ti kona n rimoaa te baonimwamwananga are i moam ngkana e itiaki te taratara i aon te kawai 100 te miita.
- Ko **nabon aki riai** ni buti riao te rain are e babobo ao e ireiti are i nukan te kawai nakon iteran te kawai are te iterana ibukina bwa ko na rimoaa te baonimwamwananga are i moam.

## TIAN TE BUTI N TE KAWAI

- Ko riai ni buti n iriira tokin te buti are e koreaki i aon taian kanikina.
- Te kabuubuti ae e riao **e karekea te tuuaa ae e kona n rokoroko n \$630** ibukin aki irakin tian tokin te buti ake a kateaki.

## KATABETABE AO TAREBOON MOBWAAIRO

Ko aki kona ni kabongana am mobwaaairo are e tauaki n te bai ngkana ko turaiwa.  
**Te tuuaa= \$80**

## TAIAN TUUTANIKAWAI



N te kanikina are e kaotia bwa ko na tei ao ko riai n tei n aki kakamwakuri, ao n anga te kawai nakoia baonimwamwananga ni kabane.

**Te tuuaa= \$150**



N te kanikina are e kaotia bwa ko na anga te kawai, ko riai n anga te kawai nakoia baonimwamwananga n te tuutanikawai anne Ngkana ko na bwakee, ko riai naba n anga te kawai nakoia baonimwamwananga ake a aki bwakee.

**Te tuuaa= \$150**



N taian kawai ake a katoobibi n uraunabwauti, ko riai n anga te kawai nakoia baonimwamwananga man ataim. Ko riai ni buti n ira aron butin waen te tai ngkana ko buti n te kawai ae e katoobibi n uraunabwauti.

**Te tuuaa= \$150**

### **TUUTANIKAWAIN TE TUREIN**



Ko riai n TeI ao  
Tarai iteram ni kauaitera i mwain  
butim riaon kawain te turein  
nakon are te iterana.



A otomatiki ni mwakuri i bon  
irouia ma butin te turein  
ngkana e a kaan. E ngae n  
anne e bon riai bwa ko na  
taratara.



Ngkana a kiakia taura, ao a tang beero ao a moanna ni bwaka  
kainibaintotoko, ao ngkai ko a riai n tei.

### **TE TEI IBUKIA BUREITIMAN AO IMETIENTII TIEWETI**

- Bureitiman - Taura aika a Uraura ao a Buruu
- Amburanti - Taura aika a Uraura ao a Mainaina

- Kaantirici - Taura aika a Uraura ao a Mainaina

Ngkana ko rimuiki n teuana maibuakon kaa n tiewefi aikanne ao a kabonganaa te buu ke te tiairen, mwaing nakon te maing ao tei naba n te tai anne ngkana te kaa ni bureitiman. **Te tuuaa= \$150**

### **TE RAITIENTI NI KABUUBUTI MA BAIKA A RIAI NI KARAOAKI**

- Ko riai n uouota am raitienti ni kabuubuti ae e tuai bane taina n tainako ngkana ko buti.
- I muiin 12 namwakaina n tia ni maeka i aon Nutiran ao ko a riai ni karekea am raitienti ni kabuubuti n Nutiran.

### **TE KABUUBUTI AO TE MANGING**

Aikai tuua aika a kabonganaki ibukin te kabuubuti ao te manging i Nutiran:

- I aan 20 te ririki - Te tua bwa a na akea te arekoro iroum ngkana e tuai koro 20 am ririki
- 20 te ririki ni waerake - Ko aki riai ni kabuubuti ngkana ko a tia ni moi i aon tian te arekoro are e katauaki i aan te tua.
- Te arekoro ni mwaifina nako e na roota am konabwai ni kabuubuti.

**Ngkana ko kuneaki ni manging ao ni buti i Nutiran ao te tuuaa iai e moa man \$250 nakon \$4500**

### **KABUANIBWAI**



- Tei, tuoia aomata ni kabane aika a reke iai bwa a raoiroi, ao anai rongorongomi i marenami, arami ao ami tabo ni maeka.

**Taeka n ibuobuoki - taraia raoi bwa e na iai am intuaranti ae te 3<sup>rd</sup> party insurance i mwain ae ko buubuti.**